


天涯聞見錄



上海中華新教育社印行

中華民國十二年三月初版
中華民國十七年四月再版



(天涯聞見錄全一冊)
(定價大洋四角)

編	校	印	發	分
輯	訂	刷	行	售
者	者	者	者	處
閩侯潘	閩侯潘	中華新教育社	中華新教育社	上海大東書局
				上海世界書局
				各省世界書局
衍	衍	術	術	

總發行所上海

愛而近路
慶祥東里

中華新教育社

序

學弟衍。幼穎悟。目下數行。六歲就傳。十歲畢六經。十五探索諸子。篝燈丙夜。思入微渺。辨論宏勁。鋒無前敵。入學校。每試輒冠軍。縉紳先生爭致之。至是尤肆力於詩古文詞。旁及金石術數諸學。縱橫披覽。悉造其巔。井蛙之輩。一望皆辟易。三舍。性不羈。嗜酒特甚。淡宕自喜。惡逢迎。見人常訥訥。若不出諸口。欣會所至。亦能高談雄辨。叱咤風雲。蓋其所蘊者深。故一發莫之能禦也。弱冠讀律。至領士裁判權之不收。回擊案曰。此吾國之大恥也。原其故。未始非吾國監獄之黑暗。致外人有所藉口也。於建築、衛生、作業等。多發奇論。某歲當道檄攝下游獄政。上峰以年少書生目之。有所舉輒扼其事。不能行。然亦措置裕如。不之介也。有徐公者。聞而嘆曰。書生不易得也。況年少乎。折節交之。往來詩酒無虛日。未幾罷去。於是益放蕩。得客中淪落酒千卮句。日浮數百觥。與騷人韻士遨遊。

山水間。嘻笑怒罵。盡成文章。蓋以退爲進也。嗣以母病促之歸。杜門不出。讀太史公游俠傳。吟無題數百韻。中有句云。才藝空多何處酬。遊龍失水成涸鮒。榮枯得喪不足論。窮到皮膚未到腹。胸懷落落見天真。毫無心計形拘束。一杯在手月當頭。管甚明朝眉額蹙。其氣慨可想。比歲傭書海上。多有纂述。以天涯聞見錄寄示。體不拘乎一格。筆亦盡乎衆長。舉凡俠客。武技。詞人。術士。詩文。辨證。奇聞。祕事。言簡意賅。如聞其聲。如見其人。洋洋乎大觀也。嗚呼。世風不古。人心澆薄。黃鐘毀棄。瓦釜雷鳴。以吾弟之才之藝。不以行事建白於世。徒作儒生褒牖之談。豈其意哉。老友王憐雪當今之以小說名家者也。嘗自嘆曰。著書立說。文人之窮途也。質之吾弟。以爲何如。吁。

韶陽大淵獻修楔日懷兄濤序於烏麓之拭桐軒

天涯聞見錄目次

卷一

楊玉孚·····	一	張大腹·····	一七
髯俠·····	二	劉雄·····	一八
謀財救命·····	四	莊碩花·····	一九
吳翠鳳·····	六	三姑娘·····	二〇
徐五·····	九	女將軍·····	二三
劍術·····	一〇	袁痴笑史·····	二三
拳勇·····	一一	鄭板橋書畫格·····	二六
空空兒·····	一四	幻術·····	二七
浙中豪客·····	一五	痘神院·····	一九

風水惑人……………三二

李子長……………四一

金聖嘆哭廟案……………三六

記妄……………四二

吳都督補傳……………三七

卷二

楚壯士……………一

雪牕祕史……………一二

龍生……………二

錢說……………一三

孝存棺……………四

雅婢……………一四

奇女殺賊……………六

別字驅賊……………一五

血滴子……………七

懲庸醫……………一六

呂晚村孫女……………八

除蟒……………一七

張汶祥……………九

優癖……………一八

某才女……………一一

船女奇緣……………一九

卷三

邵飛飛……………	一一	秦時寶劍……………	二五
范西屏奕藝……………	二二	寶鏡……………	二六
象棋考……………	二四	稱掀蛇……………	二七
任立凡……………	二四	稀奇騙術……………	二八
鬪力鬪智……………	一	鷹洋……………	九
巧斷疑獄……………	三	九經所無……………	九
醒睡先生……………	四	故琴心……………	一〇
張真人……………	五	蒲留仙軼事……………	一三
靈龜祠……………	六	風流罪過……………	一四
木龍血……………	七	畫梅……………	一五
辨水……………	八	羅兩峯……………	一六

錢東平……………一七

巧對……………一二四

太平天國二王……………一八

詩嘲……………一二四

白腰黨……………二〇

六壬課……………二五

吳位貞閨怨詩……………二三

匠人弄鬼……………二七

改李詩……………二三

豔囡二則……………二八

燈謎……………二三

卷四

富翁改過……………一

象交……………八

楚某公子……………二

獅子……………九

仙人跳失足……………四

龜王……………一〇

假狐……………六

龍寶……………一一

蠱……………七

玉蟹……………一一

魚腹觀音像·····	一二	馬寶二則·····	一七
蟒蛇·····	一三	論鑽石·····	一八
猩猩·····	一五	渴染畫法·····	二〇
猾·····	一六	鐫石話·····	二三
乳鬪龍·····	一六	田石·····	二三

天涯聞見錄卷一

楊玉孚

秀水縣新塍鎮有楊玉孚者。拳勇爲一邑冠。喜飲博。有俠義風。鄉里之貧下孤獨者。咸倚仗之。其同邑某里沈氏某。亦任俠。然不能不艷於正。黎里周公子與爲仇。蓋沈妻故妓也。色藝俱部中弟一。周暱焉。百方欲娶以爲妾。不可得。沈顧得之心妒甚。構致之獄。獄成。發遣有日矣。沈一日謂其徒曰。吾罪亦應得無所憾。所憾者。生平徒識君輩。爲我用力已多。然無玉孚。吾何以保吾室而不見奪於讎人。其徒稍稍播其言於楊。楊聞之。慨然立起。造獄中。見沈大呼楊玉孚來。沈愕然驚起下拜。因相與握手。約爲兄弟。歸賃道旁宅。器用什物畢具。及發遣日。沈妻祖道。楊直入座拜爲嫂。呼老蒼頭及女奴引入船。迎以歸。置別宅中。卽留老蒼頭及女奴給使令。每朔望整衣冠造其中堂。請沈妻出而見焉。必囑以

整齊嚴肅之規。然後去。初周之構沈。以爲沈旣發遣。而其妻必可得有也。及是。意大沮。黎里素有賽神會。歲常舉周。於是獨揮千金。令其會加盛於曩時。又招吳下首部優伶。爲之演劇。陰部署拳勇數十百輩。而使數人謬爲敬楊者。邀楊觀劇。楊心知之。許諾。及期。掉一小舟。隨一跛奴往。旣登岸。直入屠肆中。取兩斧。持之坐俎上。謂市人曰。吾固知入虎穴。然吾不敢辭死者。將以彰周某之惡於諸君耳。因爲備述其事。且曰。要當殺黨惡者。然後就死。須臾數里間喧傳。徧周之黨。聞曰。若然。周某誠惡難貫。吾輩安可黨惡仇義士。各四散。里中士大夫多周戚黨。反置酒邀楊。觀劇盡三日罷。里中人曰。士大夫之歟。洽楊也。爲周公子謝罪禮亦宜之也。周喪氣不出戶。未幾潛入京。以資爲郡倅。逮楊死未歸。

髯俠

髯俠者。武昌舟子。不告人鄉里姓名。髯長尺許。分五髻甚美。人呼爲美髯。艣公目光如炬。獨操一舟。往來吳越間。崇禎時。楚黃陳大巖者。有文名。訪友於金陵。

實得髻舟。見髻貌怪之。既登舟。鼓棹如飛。暮宿見水牛十餘頭。浴於江妨泊處。髻以左右手各持一牛蹄。擲岸上。如披鼠鼯。數擲而盡。其行止隨地。不擇地而泊。每至孤洲荒嶼。急灘迅流。留連而止。大巖患之。髻曰。吾舟所至。海倭所不敢犯。陽侯所不能怒也。君何怯焉。每過壇廟。輒詆責鬼神。叱咤不休。忽大巖見舟尾幔內有二女郎。嫺雅似士族子。益怪之。而未敢言。一日曉起。遙望風吹酒帘。有惠泉字。顧謂髻而能爲我市酒乎。髻曰。諾。卽索百錢去。大巖起招女郎。問曰。汝誰家人。胡從髻遊。髻何人耶。試私語我。我能脫汝。女泫然曰。妾杭人。從父宦於粵西。官歸。舟次湘潭。盜夜刦舟。殺妾父母一家十人。投於江。欲擄妾去。俄頃髻從他舟至。揮刀殺盜十餘人。無有脫者。妾叩頭請死。髻曰。吾非盜。乃爲汝殺盜者。今汝父母讎已報。吾將訪汝兄弟而歸焉。脫無所歸。當爲汝擇佳壻。吾義不污汝。勿怖吾也。遂令妾入彼舟。髻獨宿篷上。風雨雷霆無所避。所往來四五人相與入蛟宮探虎穴。得虎蛟肉爲脯佐酒。四五人切切私語。不知所語云。

何但見哭笑無端。或登山而觀天象。歸舟不樂。取酒大醉。醉復大哭。妾不知爲何如人也。語畢。髻持酒脯至。大巖迎拜曰。吾有目不識異人。遂相與共飲。飲酣。髻曰。萍水相逢。一言爲驗。可乎。君雖有文。無科甲相。無子。以兄子爲嗣。兄子亦無祿也。大巖拜祈曰。貴賤命也。得一子承祧。窮約所甘心焉。髻曰。無能爲也。忽蹶然起曰。君有子矣。吾舟處女有福相。知君喪偶。可配爲繼室。此女當生五男。以君相孤。止得一男。今日良吉。吾爲君成之。卽呼女郎更衣取酒合卺成禮。悉以前盜所劫千金歸焉。大巖旣婚。思歸。髻一人自挽舟送至九江縣。辭曰。天下將大亂。君其入山自愛。吾亦從此逝矣。大巖夫婦牽袂苦邀之。不可。絕袂覆舟而去。不知所之。其後大巖所嗣兄子果夭。所娶舟中女果產五男。前四子殤。惟季子存。

謀財救命

謀財者多害命。而曰救命。此所以奇而可記也。乍浦有高生者。幼孤貧。投同氏

高老爲徒。非其族也。生勤慎敏幹。高老悅之。待以族子。數年益習事。職買買。手銀錢。必盡心力。無所私。高老倚如左右手。高老者賈販木棉而赤手成立者也。初時勵志爲生。利以外無所問。既而漸有贏餘。又既而日益饒裕。致資累萬貫。於是驕淫邪僻滋矣。有鄰人婦稍有面首。時出入其家。潛私之。而欲去鄰人以自便。一日生將賈販上海。高老僱鄰人隨以行。而餞生禮有加。酒半引入密室。別出銀三百兩。欲發言囑囑。而卒告之云云。生驟聞色然駭。堅不可踰。時忽歎曰。此喪心事。雖然叔父顧我良厚。我無如何矣。請如命。蓋生之意。以爲彼之處心積慮。不可挽。我辭必有代。我受其命者。而此人必死彼之家。或亦因以破是故。陽許殺之。而陰已定。脫之。之計比至。買貨載舟畢。使舟人別僱一小舟。聲言欲使鄰人往某所。鄰人弗之知也。又預購一大雞。放棹曰。祭神殺之。而留其血。飲福。先使舟人飲。以計悉遣之。約往來可三辰許者。強鄰人與同飲。而取三百兩置其旁。欲得相衣置血中。鄰人駭欲絕。不識所以。生耳語之曰。而室之不

肖而亦知之矣。可棄矣。持此金以往。亦可爲生矣。鄰人悟。感泣跪謝。乘小舟竄而去。生歸。持血衣設詭詞以復命。高老大喜。生泫然曰。某今而後。不可復至其所。至必索命無疑也。願從叔父假貸。別求自活計。高老知其指。卽以所買貨盡畀之。生之家自此隆隆起。越十餘年。高老老髦氣衰。病甚。見鄰人者。被髮裸體。血淋漓。日夜挾刃伺其旁。欲刺之。懺悔齋醮。略無效。不知鄰人者。釀酒爲生於某所。別娶妻生子久矣。生豫至其地。說與偕來。置之家。造高老。以爲叔父之病。吾能治之。遂率鄰人直入高老臥室。高老大駭。生再三笑喻之。則大慚。不發一語。而病隨愈。

吳翠鳳

吳翠鳳。衛之淇人。本良家女。嫁同邑崔琴齋。亦舊族也。崔好外遇。挾娼喜博。與諸無賴遊。以故家中落。然三五聚飲。呼喝猶徹旦也。後因醉癆。酷嗜阿芙蓉膏。某夕忽發興。呼鳳對榻吸。鳳不應。崔執鼻噴之。鳳手拒。且誚讓焉。崔大怒。取燈

擲鳳。鳳捷避。中紙窗紙乾火裂。霎時延燒頂壁。及灌救。盡付祝融。乃收拾餘燼。于灰堆中。僅剩檜燈各一。親族白眼。乞貸無門。將屋基賤售解纈。未幾告罄。乃鬻鳳於西賈某甲。鳳屢自經。甲懼退還。崔不受。且以資盡對。甲恐終被累。轉贈皮廠主某。不計值。廠主涎鳳色。強逼之。鳳以剪刺喉。頸血淋漓。立暈。幸未破管。醫治得痊。諸無賴登門訛詐。曉曉洶湧。西賈爲之排解。某以鳳心不已。屬給一金使去。鳳嚴擯不受。單衣出門。顧躊躇莫適。有武孝廉孫秉乾者。具知鳳事。敬其貞節。憐其孤苦。收而撫之爲女。俾自擇配。女亦安之。孝廉子金魁。虎而弁者。乘隙挑之。不答。魁疑鳳默許。遽起擁抱。鳳抗聲大號。父聞奔視。見狀大怒。魁踰戶跳逃。父執梃逐之。杖數百。慰女萬端。鳳默然。飲泣而已。適某營弁周大均者。喪偶。與孫有年誼。孫商之。鳳將嫁之。鳳首肯。孫乃擇吉遣嫁。夫婦頗睦。未幾大均從軍北去。頻聞捷音。鄉報不絕。用度饒足。期年生一子。撫弄色笑。怡然也。會觀音誕節。鳳抱兒驅車。隨喜私禱周福。由殿廊出。羣丐環叩乞錢。崔與焉。鳳

惻然擲與百錢。上車而去。行里許。于車中內顧。見崔尾車後。慨然興。故夫之情。脫臂。鈎投。崔懷。崔抱而走。鳳歸。黯然不食者二日。周弟旋自北回。携周手書。謂赴調陝邊。一年餘音問杳絕。資用艱乏。孫接女歸甯。代理家政。溫飽不牽心。然白狼河北。丹鳳城南。盼征人將穿眼矣。傾而噩耗傳來。隱約周已陣亡。鳳痛徹心骨。量絕者再。孫百端譬慰。以周死無確信。乃止啼。無何。孫又染疫死。鳳搶呼如喪考妣。葦服如生女。金魁又戲之。鳳面唾魁。挈兒拜孫櫬前。逕出傭某紳家。以十指餬口。因兒故每受賤值。轉輾四年餘。兒頓長。鳳畫荻教導。彌覺聰慧。更二載。鳳年三十許。兒長與肩齊。肯勤讀。夜深不輟。鳳色喜。稍積資。買茅屋。繡織自食。過其門。恒聞誦聲琅琅。與機聲相和。邑令敬其節操。爲懸額題旌。並伙助焉。某夕。母子方餐。有叩門。周大均家者。鳳命兒拔關納之一隊勇入。捧周之手書。并銀數裹。拆閱之。乃知周實未死。戰捷陝甘。已擢甯陝遊戎。遣勇接眷赴任。鳳喜出非望。將銀遍餽親隣。悉充善舉。啟行日。合邑共稱歎。嘖嘖不置云。